

Месяца марта в 19-й день
Святых праведных Софии, княгини Слуцкия
На велицей вечерни

Блажен муж: 1-й антифон. На Господи, возвах: стихиры, глас 8:
Богоблаженная честная княгине Софии, милование ко искреннему
и любовь яже к Богу стяжала еси, сего ради благодать Божия
обильно на тебе, мати, пребысть. Темже молитвами твоими
сохрани верою блажащия тя.

Мощи твоя благодатию Божиею слепым прозрение источают и
подают исцеление всем, приходящим с верою и просящим
посещения твоего, мати досточудная Софии, града Слуцка похвало
и всея земли Белорусския украшение. Темже молитвами твоими
испроси нам велию милость.

Блаженная Софии богомудрая, предстоящи с небожителю
Престолу Владыки и Господа, непрестанно молишися о нас и
ходатайствуеши о всех, притекающих к тебе с верою и любовию.
Темже, яко неусыпну молитвенницу и теплую заступницу, ты
почитаем вси, предивная.

Блаженная Софии, богато добродетельми украсилася еси в
жизни временней, смирением, кротостию, трудолюбием и
нестяжательностию. Темже, яко исполнену бывшу на земли
великих дарований Божиих, ублажаем ты вси, предивная.
О, блаженная праведная Софии! От юных лет сосуд избранный
яви ты Господь, стоянием в вере Православней, терпением,
молитвою, милостынею, чистотою душевною и телесною. Темже
Небесному Царю и Владыце всех угодила еси, Емуже ныне молися
даровати нам мир и велию милость.

Всяк язык да подвижится к благохвалению преславных матере
нашея Софии: юноши же и девы, супруги и вдовицы, Христову
угодницу и праведницу похвалами величаем, ревностно бо
потрудившися и слабость женскую отвергши, милостынею и
храмозданием благолепие земли Слуцкия умножила еси. И,
пресветлым Небесным венцем украсившися, просит у Христа Бога
Церкви единомыслие и миру мир, и душам нашим велию
милость.

Слава, глас тойже:

Болезни терпящи, прияла еси благодать недуги душевныя и
телесныя исцеляти, мати честная Софии, и духи нечистыя
молитвами прогоняти, всем же скорбящим пред Богом
предстательствовати. Сего ради испроси исцеления нам и велия
милости.

И ныне, Богородичен: Царь Небесный:

Вход. Прокимен дне. Чтения три.

Премудрости Соломоновы чтение (глава 3):

Праведных души в руце Божией, и не прикоснется их мука.

Непщевани быша во очесех безумных умрети, и вменися
озлобление исход их: и еже от нас шествие – сокрушение, они же
суть в мире. Ибо пред лицом человеческим, аще и муку примут,

упование их безсмертия исполнено. И в мале наказани бывше, великими благодетельствовани будут, яко Бог искуси я и обрете их достойны Себе. Яко злато в горниле, искуси их и, яко всеплодие жертвенное, прият я. И во время посещения их возсияют и, яко искры по стеблюю, потекут. Судят языком и обладают людьми, и воцарится Господь в них во веки. Надеющиеся Нань разумеют истину и вернии в любви пребудут Ему. Яко благодать и милость в преподобных Его и посещение во избранных Его.

Премудрости Соломоновы чтение (главы 5 и 6):

Праведницы во веки живут, и в Господе мзда их, и попечение их у Вышняго. Сего ради примут царствие благолепия и венец доброты от руки Господни, зане десницею покрывает я и мышцею защитит их. Приимет всеоружие рвение свое и вооружит тварь в месть врагом. Облечется в броня правды и возложит шлем суд нелицемерен. Приимет щит непобедимый преподобие, поострит же напрасный гнев во оружие, споборет же с ним мир на безумных. Пойдут праволучныя стрелы молниины и, яко от благокругла лука облаков, на намерение полетят, и от каменометных ярости исполнь падут грады. Вознегодует на них вода морская, реки же потопят я нагло. Сопротив станет им дух силы и, яко вихор, развеет их, и опустошит всю землю беззаконие, и злодейство превратит престолы сильных. Слышите убо, царие, и разумеите, навыйкните, судии концев земли. Внушите держащии множества и гордящиися о народах язык, яко дана есть от Господа держава вам и сила от Вышняго.

Премудрости Соломоновы чтение (глава 4):

Праведник же аще постигнет скончатися, в покои будет. Старость бо честна не многолетна, ниже в числе лет изчитается. Седина же есть мудрость человеком, и возраст старости житие нескверно. Благоугоден Богови быв, возлюблен бысть, и живый посреде грешник преставлен бысть: восхищен бысть, да не злоба изменит разума его, или лесьть прельстит душу его. Рачение бо злобы помрачает добрая, и парение похоти пременяет ум незлобив. Скончався в мале исполни лета долга: угодна бо бе Господеву душа его, сего ради потщася от среды лукавствия; людие же видевше и не разумеюще, ниже положше в помышлении таковое, яко благодать и милость в преподобных Его и посещение во избранных Его.

На литии стихиара, глас 8:

Достохвальная и блаженная Софие, честнаго корене порождение свято, премудрости соименна еси, благими делы украсилася еси, милостынями, чистотою и правдою сосуд Святаго Духа была еси. Имже действуеши преславная чудеса, верою приходящим к раце мощей твоих, и молишися о душах наших.

Слава, и ныне, Богородичен:

Храм и дверь еси, палата и престол Царев, Дево Всечестная, Еюже Избавитель мой, Христос Господь, во тьме спящим явися, Солнце Сый правды, просветити хотя, яже созда по образу Своему рукою

Своею, темже, Всепетая, яко матернее дерзновение к Нему
стяжавшая, непрестанно моли спастися душам нашим.

На стиховне стихиры, глас 1:

Славы отцев воистинну возжелавши, веру православную
возлюбила еси, темже отступльши нечестивых, житием твоим
Богу усердно послужила еси, Софие Богомудрая, и ныне на
небесех приемлещи мзду, со Христом царствующи.

Стих: Честна пред Господем смерть преподобных Его.

В пристанище Божественное устремившись, прешла еси волны
мирских мятежей: и души своя корабль, всечестная, невредимь
от потопления греховнаго сохранила еси.

Стих: Дивен Бог во святых Своих, Бог Израилев.

Рака мощей твоих, блаженная княгине Софие, якоже сокровище
честное явися, юже обстояще, исцеление недугом нашим
молитвами твоими приемлем.

Слава, глас 6:

Возсия днесь солнца светлейше, священное твое торжество, Софие
праведная, земли Слуцкия похвало, сущим во тме души
озаряющее, мрак же бесовский всегда отгоняющее, досточудная.

И ныне, Богородичен:

Богородице, Ты еси лоза истинная, возрадившая нам Плод
живота. Тебе молимся: молися, Владычице, со святыми апостолы,
помиловати души наша.

Тропарь, глас 5:

Святая праведная мати Софие, нетлением мощей и чудес сиянием
почти тя Бог; и мы, поминающе твое праведное житие, молим тя
испросити телесем нашим здравие и душам спасение.

Слава, и ныне, Богородичен:

Радуйся, дворе Господня непроходимая; радуйся, стено и покрове
притекающих к Тебе; радуйся, необуреваемое пристанище и
Неискусобрачная, рождающая плотию Творца Твоего и Бога,
молящи не оскудевай о воспевающих и кланяющихся Рождеству
Твоему.

На утрени

На Бог Господь: тропарь тойже.

По 1-м стихословии седален, глас 5:

Мужески подвиги воздержанием претерпевши, низложила еси
многокозненнаго и, в терпении поживши благочестно, праведная
Софие княгине Слуцкая, ныне прешла еси к Богу, молящися о
совершающих священное твое торжество. (Дважды).

Слава, и ныне, Богородичен:

Всенепорочная Мати, возсияй ми покаяния лучу и, разоривши
мрак безмерных моих зол, лукавыя отжени, Дево, помыслы
сердца моего.

По 2-м стихословии седален, глас 2:

Се рака даров благодатных, се источник целебный, святая
покажашася мощи, темже, приидите, вернии, усердно почерпнем
ныне: болящия - исцеления и иже во скорбех — радости.

Молитвами блаженныя Софии Слуцкия, Господи, Церковь нашу
нерушиму сохрани.

Слава, и ныне: Преблагословенна еси:

Величание

Величаем тя, святая праведная княгине Софии, и чтим святую
память твою: ты бо молиши за нас Христа Бога нашего.

Псалом избранный:

Терпя потерпех Господа, и внят ми, и услыша молитву мою.

Постави на камени ноze мои, и исправи стопы моя.

По полиелеи седален, глас 8:

Предъизбранная от Бога, праведная Софии, ко пристанищу жизни
наставляема, жития бурю претекла еси. И ныне со ангелы
песнословящи Избавителя, моли непрестанно о нас, яко да
благодать и милость обрящем у Христа, Бога нашего. (Дважды).

Слава, и ныне, Богородичен:

Радуйся, ангелом радость мира приемшая. Радуйся, рождающая
Творца Твоего и Господа. Радуйся, сподобльшаяся быти Мати
Божия.

Степенна, 1-й антифон 4-го гласа. Прокимен, глас 4: Дивен Бог во
святых своих,/ Бог Израилев. Стих: В церквах благословите Бога,
Господа от источник израилевых. Всякое дыхание: Евангелие от
Матфея, зачало 104.

По 50-м псалме стихира, глас 6:

Возсия днесь солнца светлейше, священное твое торжество, Софии
праведная, земли Слуцкия похвало, сущим во тме души
озаряющее, мрак же бесовский всегда отгоняющее, досточудная.

Канон, глас 8.

Песнь 1

Ирмос: Колесницегонителя фараоня погрузи, чудотворяй иногда
Моисейский жезл, крестообразно поразив, и разделив море:

Израиля же беглеца пешеходца спасе, песнь Богови воспевающая.

Страстными бурями всюду погружаему, и помышлении
греховными колеблему, ко пристанищу тихому Христовых
заповедей, молитвами твоими, праведная Софии, мя направи, да
достойно тя воспою.

Божественными добротами просвещена, Богоблаженная Софии,
Слову Превечному уневестилася еси, поживши богоугодне, и Того
живоносным стопам последовала еси, веру Православную житием
твоим утверждаючи.

Божественных отец наказанию последовала еси, славная Софии, и
сих нраву чисте поревновала еси, по закону Божию праведно
поживши, добрыми делы Богу угодивши, Богомудрая, и
истинным смирением.

Богородичен: Божественную стамну и трапезу, Хлеб животный
понесшую, неделанную ниву, гору святую, Богородицу Деву
песньми прославим.

Песнь 3

Ирмос: Небеснаго круга Верхотворче Господи, и Церкви

Зиждителя, Ты мене утверди в любви Твоей, желаний краю,
верных утверждение, едине Человеколюбче.
В небесныя чертоги светозарныя вселившись, исцеления нам реки
источаеши, премудрая Софие, страстная течения изсушаючи.
Украсилася еси желанием крайним, желаючи Христа,
премножеством благосердия плотию обнищавшаго, и последовала
еси животным Его словесем, житейская вся красная
возненавидевши.

Позлащенне криле добродетели стяжавши, на высоту небесную
возлетела еси, блаженная Софие, яко голубица непорочная.
Богородичен: Род человеческий спасеся, Всенепорочная,
всеславным Рождеством Твоим: темже чтим Тя, и благочестно
ублажаем, Пречистая Дево Богорадованная.

Седален, глас 4:

Добротами божественными преукрашена и нетлением святых
мощей твоих от Бога прославлена, праведная Софие, к Нему в
нетленный чертог вошла еси, идеже молишися непрестанно
спастися от всякия беды любовью тя почитающим.

Слава, и ныне, Богородичен:

Чистая, Всенепорочная и Неискусобрачная Дево, едина Безлетное
Слово Божие в лето рождающая: Того со святыми и честными
апостолы, мученики и пророки, и преподобными моли, даровати
нам очищение и велию милость.

Песнь 4

Ирмос: Услышах Господи, смотрения Твоего таинство: разумех
дела Твоя, и прославих Твое Божество.

Светлое твое торжество, светом Духа Божия сияющее, озаряет
души наша, верою поющих тя, Софие праведная.

Чудеса божественными уверила еси неведущих Владыку Христа,
и к познанию Того обратила еси прелести тьму оставльших.

Дары Христу принесла еси, молитвы и труды воздержания: сего
ради прияла еси Небесное Царство, Софие, и вечное наслаждение.

Богородичен: Смиривши спаси мя, высокоумрием живущаго,
рождающая Вознесшаго смирившееся естество наше, Пречистая.

Песнь 5

Ирмос: Утренююще вопием Ти, Господи, спаси ны: Ты бо еси Бог
наш, разве Тебе иного не вемы.

Рукама твоима преподобно воздвигаемыма к Зиждителю, мати
Софие, вражия шатания низложила еси.

Удержав руку твою десную Вышний, наставил тя есть, мати, к
Небесному наслаждению.

Стезю тесную прошедши в житии твоём, к широте приспела еси
райстей, Софие всечестная.

Богородичен: Иже Богородицу Тя неведущии, Богомати, Света не
имут видети Рождаемого из Тебе, Пречистая.

Песнь 6

Ирмос: Ризу мне подаждь светлу, одеяйся светом яко ризою,

многомилостиве Христе Боже наш.

Умертвивши двизания плотская, над страстьми вельми воцарилася еси, и ныне, всечистая Софие, в безстрастных живеши светлостех.

Образу Спасову навькла еси поклоняться, славная, дела и словесы твоими спасительная Его соблюдающи учения.

Облак тя Христос показа, мати Софие, дождь источающий животный верою притекающим к тебе, преславная.

Богородичен: Красен паче всех человек Сын Твой, Пречистая, добротю Божества, аще и плоть бысть нас ради.

Кондак, глас 4:

Приидите, вся русския жены, святую Софию восхвалим, уподобившуюся мудрым девам, елей благодати Духа Святаго стяжавшим; темже умудри ю Господь подвизатися во утверждение Святыя Православныя веры и соблюдати Церковь Его незыблему от ересей и расколов, сего ради благодарне воспоим ей: радуйся, града Слуцка и всея земли наша радости и утверждение.

Икос:

Струи мне слова даждь, Боже мой, и источник благочиния сотвори мой ум, и благослови язык мой, да воспою угодницу Твою Софию Богомудрую, юже венчал еси благостию Твоею: аще бо Сам не даси ми слова достойнаго, како принесу дар, нищий сый, темже подаждь ми силу, исповедати ея подвиги, крепко бо звери мысленныя победила есть. Молитвами ея, Спасе, утверди и моя помышления.

Песнь 7

Ирмос: Отроцы еврейстии в печи попраша пламень дерзновенно, и на росу огонь преложиша, вопиюще: благословен еси, Господи Боже, во веки.

О доброте тлеющей, Софие блаженная, zde небрегла еси, сматряючи тамо сущая воздаяния и свет, и славу Божию нестареющуюся и красоту, и Божественное селение.

Разум боголюбив стяжала еси, Софие, и, во плоти сущи, ангелом уподобилася еси, бдящи бодренне и любовию поючи: благословен еси, Господи Боже, во веки.

Богородичен: Виждь скорбь мою, Дево, юже ми наведе множество зол моих, и родства огненнаго исхити мя, вопиющаго: благословен еси, Господи Боже, во веки.

Песнь 8

Ирмос: Богоглаголивии отроцы в печи со огнем пламень попирающе, пояху: благословите дела Господня Господа.

Украшена сиянием чистоты, и чистым житием просвещена, Софие Богомудрая, предстоиши Христу Богу нашему.

Болезни различныя врачует человеков, и отгоняет бесовския напасти тело твое святое, в раце преславно хранимое.

Священная жертва принеслася еси, и приношение светлое, праведная княгине Софие, яко кадило благоуханное, всех

Владыце Христу Богу нашему.

Богородичен: Без исления Слово паче словесе родила еси, тления всякаго нас избавляющаго: сего ради Тя, Дево, верою величаем.

Песнь 9

Ирмос: Устрашися всяк слух неизреченна Божия снисхождения, яко Вышний волею сниде даже и до плоти, от девического чрева быв человек. Темже Пречистую Богородицу вернии величаем. Возжелела еси доброту мысленную Христову, и чисто возлюбила еси Его. Где почиваеши; где ли пасеши; тепле вопияла еси: да почию у Тебе, и в Твоих светлостех наслаждуся, величаючи Твою благость.

Разум имела еси в твоей души, и смирение, и Божественную кротость, веру несумненну, и надежду и любовь, юже к Богу, всенощными молитвами предстоявши Ему, и небесными светлостями, блаженная Софие, озаряема и просвещаема.

Днесь собращася люди хвалами возвеличити Господа, возвеличившаго твое святое торжество: в немже поминай нас, поминающих тя, предстоящи Христу, праведная Софие и всечестная.

Богородичен: Пощади мя, Боже, рождейся от Девы, егда сядеши судити дела моя, и Тоя молитвами презри беззакония и грехи моя, яко Благ и Многомилостив.

Светилен:

Князя утаившися студа, и сего в премудростнем образе показа безумна, жена сущи душею и телом, возсияла еси яко муж разумом и верою, мати Софие, жен праведных украшение.

Слава, и ныне, Богородичен:

День мне возсияй разумнаго веселия, Ты бо еси, Чистая, свет и живот, сущих во тьме: вся бо, аще хочещи, творити можещи, яко сущи всех Владычица.

На хвалитех стихиры, глас 4:

Священное жилище Богу воздвигла еси, бывши храм Святаго Духа, всемудрая, чистотою душевною, и путеводила еси души к Царствию Небесному, и принесла еси сия, якоже дар Христу, о Софие преславная.

Отроковицы возлюбиша Невестника и Господа, учению твоему покаяющияся, и плотскую презревше слабость, усердием благочестно страсти победиша, и введошася с тобою, о Софие, в чертог небесный и Божественный, всегда веселящася.

Милость имела еси велию к бедствующим, любовь же истинную к Богу, сего ради благодать Христова в тебе, мати, почила есть, темже твоими молитвами сохрани верою блажащия тя.

Рака твоя честная, в нейже почиваеши мощами ныне, источает всем исцеление, верою притекающим к тебе, мати честная и досточудная. Темже твоими молитвами спасай нас, поющих тя.

Слава, глас 8:

О, преславнаго чудесе! Усердно себе Богу предала еси, ниву сердца твоего очистивши от терния душевредных страстей, заповеди

Божия исполнила еси, и Творца милостынею умилоствовала еси, сего ради сугубое воздаяние от Бога получила еси, Софии, княгине Богоблаженная, моли Христа Бога даровати нам велию милость. И ныне, Богородичен:

Архангела Гавриила глас восприимше, рцем: радуйся, Мати Божия, яже Жизнодавца Христа миру рождши.

На Литургии

Блаженны от канона, песнь 3-я и 6-я. Прокимен, глас 4: Дивен Бог во святых Своих, Бог Израилев. Стих: В церквах благословите Бога Господа от источник Израилев. Апостол к Галатам, зачало 208.

Аллилуиа, глас 1: Спасение праведных от Господа: Евангелие от Марка, зачало 21. Причастен: Радуйтесь, праведнии, о Господе:

Молитва

О, святая праведная мати наша, блаженная княгине Софии, прими милостивно приношение веры, надежды и любве нашея и вознеси е ко Господу, и якоже в земнем животе твоем была еси помощница и заступница всем Православным христианом земли твоея, тако и ныне укрепи нас твердо и непоколебимо до смерти стояти за веру Православную, согрей сердца наша любовию ко Господу и Пречистой Его Матери. Умоли Христа Бога нашего, да сохранит Церковь Свою святую от расколов и ересей, да утвердит в ней дух правыя веры и благочестия, дух ведения и любве, дух мира и радости вечныя, да вся чада ея духом и истиною покланяются Ему, да укрепит верных в благочестии и святости жизни, да обратит отпадших от Православныя Церкви во святыя недра ея.

О святая мати, града Слуцка похвало и радости, умоли Господа, да избавит град твой и всю страну нашу от глада, труса, потопа, огня, меча, нашествия иноплеменных и междоусобныя брани, от смертоносныя язвы, да низпослет правителем нашим усердие, мудрость и верность, да управляют и судят по воле Его, да хранят установления Святыя Церкви. Испроси всем с верою притекающим к раце святых мощей твоих мирное житие, тишину, просвещение умов и сердец, соблюди их от козней вражиих, от соблазнов мира, во зле лежащаго, и от всякия скорби и нужды, обрати нас к покаянию и исправлению, даруй заблудшим истины познание, недугующим исцеление. Сохрани нас благодатными твоими молитвами от всех врагов видимых и невидимых и избави от всякаго зла, да прославим во вся дни жизни нашея Отца и Сына и Святаго Духа и твое заступление во веки веков. Аминь.

Житие

Праведная София была последней княгиней славного рода князей Слуцких и Копыльских, потомков великого князя Ольгерда из рода Рюриковичей. Некоторые из этого рода сидели на Киевском престоле, другие были князьями Новгорода Великого.

Родоначальником князей Олельковичей-Слуцких был внук Ольгерда Олелько Владимирович.

Блаженная София родилась 1 мая 1585 г. В том же году скончалась

ее мать, а 6 мая следующего года умер и отец, князь Юрий Семенович. Опекун над сиротой приняли на себя дальние родственники: сначала Жмудский староста Юрий Ходкевич, взявший ее с собой в Вильню, а затем Виленский каштелян, Брестский староста Иероним Ходкевич.

Оба опекуна юной Софии задолжали князьям Радзивиллам значительные денежные суммы и хотели использовать свою опеку: за счет громадных имений единственной прямой наследницы богатого рода отделаться от долгов, умножив при этом собственное состояние. По этим соображениям Ходкевич и князья Радзивиллы заключили письменную сделку относительно выдачи княжны Софии по достижении ею совершеннолетия за Януша Радзивилла, князя Несвижского, сына Виленского воеводы князя Христофора Радзивилла.

Когда княжна достигла возраста, позволявшего вступить в брак, Япуш Радзивилл обратился 20-го дня июля 1600 г. к Римскому папе с прошением о разрешении ему как католику заключить брак с княжной Софией Слуцкой, остающейся в Православии и поставившей непреложное условие, чтобы дети от этого брака были непременно православными.

Бракосочетание княжны Софии Юрьевны с князем Янушем Радзивиллом состоялось 1 октября 1600 г. по православному обряду в одном из соборов Бреста. По некоторым сведениям, обстоятельства этого межродового и межконфессионального союза и, в частности, обязательство воспитания будущих детей обоюбого пола в православной вере, впоследствии стали объектом краткой переписки между Константинопольским патриархом и Римским папой.

Не сладка была жизнь княжны Софии под опекой корыстных Ходкевичей, не стала она слаще и в замужестве. Единственной отрадой и утешением была для княгини Слуцкой православная вера: во всех печалях своих с самого раннего детства обращалась она к Богу. Ко всем же невзгодам житейским прибавилось еще одно горе, затмившее собою личные скорби княгини: церковная уния с Римом, объявленная в Великом Княжестве Литовском с 1596 г.

В период заключения унии Слуцк принадлежал княгине Софии. Именно она и стала защитницей православных святынь, охранительницей народа от униатского насилия. В молодой княгине нашли православные христиане великое нравственное влияние, духовную и материальную поддержку, давшие жителям города возможность сплотиться под сенью своих святынь в Слуцкое Преображенское Братство с целью защиты Православия. В деятельности Братства праведная София принимала самое активное участие как высокоименитая братчица.

Своего мужа в бытность его католиком настойчиво убедила она исходатайствовать у польского короля грамоту о воспрещении благочестивых (то есть православных христиан) принуждать к

унии. Грамота была выдана. Благодаря усилиям благочестивой ревнительницы Православия город Слуцк остался единственным городом Литовских земель, который мужественно выдержал жестокий гнет униатов, будучи твердыней веры, завещанной предками, сохранив целостность, чистоту и неприкосновенность православного учения.

Влияние праведной княгини было столь велико, что даже муж ее князь Януш Радзивилл впоследствии издавал грамоты в поддержку Православия, глубоко уважая завещанные благочестивой Софией традиции.

Спустя некоторое время княгиня Людвиг Радзивилл издала подобную грамоту: “Изъяснив всем, кому знать должно, что церкви религии старой Греко-Российской, с незапамятных времен построенные и арендованные в городе Слуцке и Копыле и во всем княжестве Слуцком и Копыльском, а также в имениях моих Койдановском, Копыльском, Белицком, Заблудовском, Невельском, Себежском и других, всегда стояли под благословением восточного Константинопольского патриарха, и блаженной памяти князь и княгиня, предки мои, всегда этой религии и подданным православным покровительствовали, и что они доселе пользовались и ныне пользуются свободой своего старогреческого богослужения и силою церковных правил в духе Церкви восточной, а потому настоящею привилегиею своею утверждаю, чтобы церкви, архимандриты, игумены, монастыри и братства в княжестве Слуцком и других моих владениях на вечные времена неприкосновенно, без всякой перемены были сохраняемы в совершенной свободе своего богослужения под вышеозначенным Константинопольским благословением и во всех своих обычаях и обрядах церковных; на место умирающих пресвитеров униаты не должны быть поставляемы и уния в эти церкви не должна быть введена никаким насильственным или измышленным способом, но да будет им позволено для посвящения пресвитеров к владыкам их ездить за границу без всякого препятствия и малейшего затруднения. Все это содержать, как сама обещала духовенству Слуцкому; и приемников своих обязываю эту привилегию точно и неприкосновенно соблюдать”. Кроме юридической защиты Православия княгиня София всегда заботилась о материальном обеспечении монастырей, церквей и причтов, щедро жертвовала на храмы Божии, собственноручно изготавливала дорогие, вышитые золотом и серебром священнические облачения, выделяла средства на строительство церквей. Как паломница путешествовала высокоименитая братчица в самые отдаленные храмы в дни храмовых праздников. Умерла праведная София 19 марта 1612 г. от первых родов мертворожденной дочери в возрасте 26 лет. Нетленные мощи княгини Слуцкой Софии почивают ныне в Свято-Духовом кафедральном соборе Минска.